

che suso, et si credeva fusse de importantia. *Tamen* era dil zonzer a di il Ducha in Ferrara e aver fato festa, ma il popolo non molta, et che era grandissime aque, ruinava bastioni et muraie.

133 A di 17, Domenega per la terra fo divulgato questo venir dil Colegio questa note a palazzo, et lo intesi *secretissime* come Andrea Rosso predito, era qui venuto, è stà scoso, et che monsignor di Obigni, è in Brexa, vedendo haver spagnoli *etiam* pocho lontano et patendo charestia grandemente, si havia voluto render a la Signoria, con certi pati, et li proveditori non li havia voluto acetar e tuor Brexa senza licentia di la Signoria nostra. Però subito rescrissero la tolesseno. Spagnoli erano a et stava li temporizando la venuta dil signor Prospero Colona con le altre zente, qual fin do zorni saria di qua di Po, conzonti. Hor quello sarà, scriverò.

Vene l' orator yspano, al qual fo comunicato la relation di sier Antonio Zusignan venuto di Franza, e che 'l Roy vol far il tutto per acordarsi con la Signoria nostra.

Vene l' orator dil Papa episcopo di Ixernia, al qual *etiam* fo comunicato questa relatione, justa la deliberatione del Senato.

È da saper, l'orator yspano presentò a la Signoria il salvoconduto di danari, va in campo, li manda al vicerè etc.

Noto. Eri fo varà una nave di portada di bote 500, portionevali sier Lucha Loredan qu. sier Francesco, sier Vincenzo Grifi qu. sier Beneto et Thomà Duodo. Va patron suso Lucha Gobo.

Da poi disnar, fo Gran Conseio. Vene domino Benedeto Crivello, ora zentilhomo nostro, con uno saion negro listà d' oro e una capa negra, bareta a la francese di veludo negro e cadena d' oro ligada al collo, per non esser cavalier, et lo accompagnò sier Sebastian Falier e sier Benedeto Zorzi savii ai ordini, posto a sentar di sora i cavalieri, et la prima ballota che 'l messe per esser stà per il Conseio di X fato zentilhomo nostro, fo in far uno altro zentilhomo nostro come dirò di soto. Et stete fino a la mità dil Conseio, poi si parti.

Fu posto, per sier Marco da Molin, sier Francesco Zusignan, sier Hironimo Tiepolo, sier Stefano Contarini e sier Zorzi Emo consieri, di crear el reverendissimo cardinal di Medici, el magnifico Giuliano e domino Laurentio suo nepote zentilhomeni nostri, con le clausole *ut in parte*, notata et leta per Gasparo di la Vedoa secretario, la qual posta sarà qui avanti. Have non sincere, 11 di no, 1170 di la parte, et fu presa.

1512, die 17 Octubrio in Majori Consilio. 133
bis

Studuit omni tempore Dominium Nostrum, inter coetera amoris et benivolentia documenta quibus Illustrissimos Dominos et generosas familias prosequi consuevit hoc etiam addere præcipuum apud nos ornamentum et affectionis inditium certissimum, ut eos nobilitatis nostræ consortio aggregamus et veluti membra corporis et Status nostri faciamus.

Itaque, cum reverendissimus dominus Johannes cardinalis de Medicis, nec non magnificus dominus Julianus reverendissimæ D. suæ frater ac dominus Laurentius nepos ex fratre, ea sint familia in excelsa Republica Florentina orti quæ nulli, antiquitate et nobilitate, sit inferior, et summa semper fuit amicitia Statui nostro consueta sintque præterea omnium virtutum conspicui et insigniti, ideo:

Vadit pars; quod reverendissimus dominus cardinalis ac Julianus frater et Laurentius fratris filius; cum filiis et hæredibus suis ex legitimo matrimonio ab eis natis et nascituris in perpetuum creentur et affirmantur in nobiles Venetiarum et patricios de nostro Majori Consilio, cum omnibus et singulis privilegiis, honoribus, immunitatibus, præhementiis, dignitatibus ac conditionibus cum quibus reliqui nobiles Venetiarum et patricii nostri de hoc nostro Majori Consilio existunt. Et si consilium est in hoc est revocatum.

† de parte 1170

non 11

non sincere 1

A di 18, fo San Lucha. Vene il secretario di l'orator yspano. *Item*, il vescovo Dolze, per il qual fo mandato acciò scodesse le do dexime impose el Papa al clero, et fo ordinato metersi i danari in banco per esser sollicitata la Signoria da l'orator dil Papa episcopo de Ixernia.

Di campo, di provedadori zenerali, vene lettere questa note a hore 10, data soto Brexa a di 16, hore 21. Come stavano in aspetation di la risposta di quanto mandono a dir a la Signoria per Andrea Rosso loro secretario, et la Signoria doveria dar li ordini chiari *ut in litteris*, e non meter tanto peso su le sue spalle. *Item*, spagnoli erano a Gedi, et quel zorno zonzeriano a Breza, che è mia 5 luntan di Brexa; e altre particolarità *ut in litteris*.

(1) La carta 133 * è bianca, come lo è la 133 * bis.